

AM DIALOG

**ENG SÉCHER ZUKUNFT
FIR EIST LAND.
WÉI SCHÜTZE MIR,
WAT EIS WICHTEG ASS?**

CSV

AN DER CHAMBER

A PRÄENZ
VUM
PREMIERMINISTER
LUC
FRIEDEN

**DËNSCHDEG, DEN 21. ABRËLL 18:30 AUER
AM TRIFOLION ZU IECHTERNACH**



D'CSV ass 2023 ugetrueden, fir d'Land ze moderniséieren a besser fir d'Zukunft opzestellen. D'Regierung huet an dësem Sënn scho villes aus hirem Programm ëmgesat. An d'Deputéiert vun der CSV hunn dëse Prozess duerch hir legislativ Aarbecht an der Chamber konstruktiv a kritesch begleitet. Zesumme gëtt eng Politik aus engem Goss gemaach – am Interessi vun Iech a vum Land.

Eng ganz Rei Versprieche aus dem Walkampf goufen ëmgesat:

- D'Kafkraaft gouf gestärkt duerch Upassung vum der Steiertabell
- Geziilt Steiermesuren, gehéichte sozial Hëllef a vereinfacht Prozeduren ënnerstëtze staark déi am meeschte vum Aarmutsrisiko bedroete Stéit
- Fir d'Wirtschaft ze stäipen, gouf an Infrastrukturprojeten investéiert an d'Betriebssteuer erfesat
- Mat 51 Moosname ginn d'Erneierbar Energië méi séier ausgebaut
- D'Sécherheet gouf gestärkt duerch méi Polizisten a lokal Police-Unitéiten
- Vereinfacht Prozeduren, fir méi a méi séier ze bauen, an den Opkaftprogramm vum Neibau-Wunnenge goufen op de Wee bruecht.

D'CSV huet den Usproch, politesch Entscheedunge mat Courage a Verantwortung ze huelen, ëmmer mam kloren Zil, dat Bescht fir Lëtzebuerg a seng Mënschen z'erreechen. Grad a schwéieren Zäite brauch eist Land Courage fir nei Weeër ze goen an eng Politik, déi Stabilitéit, Zesammenhalt an eng sécher Zukunft fir jidderee garantéiert.

Mir komme bei Iech a géingen eis freeën, Iech op eisem Themen-Owend kënnen ze begréissen.

LAURENT ZEIMET

FRAKTIONSPRÉSIDENT

LUC FRIEDEN

PREMIERMINISTER

LÉON GLODEN

53, GRÉIWEMAACHER

MINISTER



Inneminister

- Den Inneministère ass de Partner vun de Gemengen!
- D'Gemeng ass e Service-Betrib fir d'Bierger: Stärkung vun de Gemenge-Service fir optimal Aarbechtskonditiounen fir d'Mataarbechter a beschtméigleche Service fir d'Bierger.
- Staark Finanzen fir staark Gemengen: e méi gerechte Subside-System nom Motto „En Awunner ass en Awunner an e Kand ass e Kand – egal a wéi enger Gemeng ee wunnt.“
- Méi a méi séier bauen: Vereinfachung an Digitaliséierung vun de Prozeduren: Prinzip „Silence vaut accord“, Bagatellgrenze fir kleng Aarbechten (Gardenhaischen, Photovoltaik-Anlag) asw.
- Keng Fräiheet ouni Sécherheet: Verbesserung vun der Sécherheet a Stärkung vum Sécherheitsgefill vun de Leit:
 - No bei de Leit duerch de Prinzip vun de 4P bei der Police: Personal, Präsenz, Proximitéit, Preventioun;
 - Police locale am urbanen an am ländlechen Raum;
 - Vereinfacht a verbessert Prozedur fir Visupol-Kamera-Iwwerwachung;
 - Versprach an ëmgesat: Opwärtung vun de Carrière fir ronn 400 Polizisten (C1 -> B1).
- RESC-LU: eng Reserve mat Material a Manpower beim CGDIS, fir de Gemengen am Eeschtfall ze hëllefen.

- Resilienz geet jiddere vun eis eppes un: d'Gemenge méi resilient maachen nom Motto: „Eis haut preparéieren, fir muer richteg ze reagieren.“
- Asylpolitik: eng responsabel Politik mat Häerz a Verstand.
- Immigrationspolitik: Ënnerstëtzung vun „Talent Attraction“.



[LINK OP DE REGIERUNGSSITE VUM LÉON GLODEN](#)





RICARDO MARQUES

32, IECHTERNACH, PSYCHOLOG,
GEMENGECONSEILLER,
DEPUTÉIERTEN

KOMMISSIONEN:

Vize-President vun der
Kommissioun fir Educatioun,
Kandheet a Jugend

Member Kommissioun fir
Wirtschaft, PME, Energie,
Weltraum an Tourismus

Member Kommissioun fir Santé
a Sozialversécherung

Member Kommissioun fir
Wunnengsbau a Landesplanung

Member Kommissioun fir Famill,
Solidaritéit, Zesummeliewen,
Gläichstellung an Diversitéit

Member Kommissioun fir
Héichschoul, Fuerschung an
Digitaliséierung

Member Sportskommissioun

Member Kulturkommissioun

”

**Zur Präventioun vum
Suizid ass et wichtig,
eng Persoun an Nout ze
erkennen, an ze wësse,
wéi ee soll reagéieren.**

“

CHAMBERARBECHT:

- Dem Ricardo säi grouse Sujet ass den
Educatiounssystem:
 - Déi ëffentlech Europaschoule bidde verschidde
Kanner Flexibilitéit, si kënnen a sollen awer den
traditionelle System net ersetzen
 - Hien huet zum Projet ALPHA geschwat, e Ge-
setz, mat deem d'Alphabetiséierung op Fran-
séisich agefouert gouf. Dës Reform géing fir méi
Chancegläichheet suergen. Lëtzebuergesch kritt
esouguer méi eng wichteg Plaz, wëll d'Niewefä-
cher op Lëtzebuergesch sinn. Suerge bereeden
déi néideg zousätzlech Kllassesäll an den Iwwer-
gang an de Lycée. Ganz wichteg wier en Ëmset-
zungsplang an eng regelméisseg Evaluatioun
mat Rapporten
- Als Psycholog ass déi psychesch Gesondheet e
wichtige Sujet fir hien:
 - Dem Ricardo seng Propos, mam 119 eng nation-
al Telefonsnummer anzeféieren, hannert där
eng multidisziplinär Ekipp steet, déi séier rea-
géiert, wann eng Persoun a mentaler Nout urifft,
gouf unanime an der Chamber ugeholl
 - D'Santé mentale vun de Kanner läit him
besonnesch um Häerz
 - Si ass eng Prioritéit a brauch Präventioun,
Fréierkennung an en einfachen Zougang zu
Hëllef
 - Beim Social-Media-Accès fir Jonker, verlaangt
hien, de Kanner bis 16 Joer ee séchere Kader ze
bidden an si aus dëser Influenz erauszehuelen.
D'Technologie misst dem Mënsch déngen, an net
ëmgedréint

De Ricardo wäert den Dossier
vum Jugendschutzgesetz betreien.

[LINK OP DE CHAMBER SITE
VUM RICARDO MARQUES](#)



OCTAVIE MODERT

59, GREIWELDENG,
JURISTIN,
DEPUTÉIERT



CHAMBERAARBECHT:

- D'Octavie ass zoustänneg fir Dossieren, déi de Mëttelstand betreffen:
 - Et goufe Bähëllef fir Kleng- a Mëttelbetriber gestëmmt, fir datt och si an d'Fuerschung kënnen investéieren
 - D'Agrargesetz gouf beim Statut vum aktive Bauer a Wënzer ugepasst
 - Den Zougang fir Baueren a Wënzer zu gewësse Bähëllef gouf verbessert
- Am Beräich vun der Kultur huet si den Accord fir verschidde Gesetzer ginn:
 - Praktesch a pragmatesch Ännerungen um Denkmalschutz-Gesetz, wou de Staat elo d'Käschte vu präventiven Ausgruewungen iwwehëlt an et administrativ Vereinfachunge ginn
 - Bis 2030 steet dem Filmfong eng finanziell Enveloppe vun 180 Milliounen Euro zou. Et geet hei ëm Kultur an Ënnerhaltung, awer och ëm d'Bild vum Land an d'wirtschaftlech Diversifizéierung
 - De Kultursecteur entwéckelt sech séier, an et ass wichteg, fir exakt Daten ze hunn. Dofir gouf elo een „Observatoire de la Culture“ an d'Liewe geruff. Domat kënnen Bedürfnisser, Baustellen a Stärkte méi kloer identifizéiert ginn
- Och an der Digitaliséierung gouf et gesetzlech Verbesserungen:
 - De Staat kann elo geziilt Hëllef un Netzbedreiwer ginn, fir d'Kommunikatiounsnetzer och bis op ganz ofgeleeë Plazen ze bréngen. Jidderee soll séieren Internet-Zougang kënnen hunn
 - D'elektronesch Ënnerschrëft gouf agefouert fir all administrativ Akten och zwëschent den Institutiounen

Dem Octavie leie Fuerschung an d'Uni.lu, administrativ Vereinfachung an de Wäibau um Häerz.

[LINK OP DE CHAMBER SITE
VUM OCTAVIE MODERT](#)



KOMMISSIONEN:

Vize-Presidentin vun der Kommissioun fir Wirtschaft, PME, Energie, Weltraum an Tourismus

Vize-Presidentin vun der Kulturkommissioun

Member Kommissioun fir Landwirtschaft, Ernährung a Wäibau

Member Kommissioun fir Héichschoul, Fuerschung an Digitaliséierung

Member Institutiounekommissioun

Member Kommission fir Medien a Kommunikatioun



”

Déi Kleng- a Mëttelbetriber sinn d'Réckgrat vun eiser Wirtschaft a vum Aarbechtsmaart. “



STÉPHANIE WEYDERT

**41, MOMPECH, AFFEKOTIN,
BUERGERMEESCHTESCH,
DEPUTÉIERT**

KOMMISSIONEN:

Presidentin vun der
Interieurskommissioun

Vize-Presidentin vun der
Kommissioun fir Exekutioun
vum Budget

Member Kommissioun fir
Wirtschaft, PME, Energie,
Weltraum an Tourismus

Member Kommissioun fir
Landwirtschaft, Ernährung a Wäibau

Member Aarbechtskommissioun

Member Justizkommissioun

”

**Mir müssen dat richteg
Gläichgewicht
tëscht wirtschaftleche
Besoinen a sozialem
Schutz fannen.**

“



**LINK OP DE CHAMBER SITE
VUM STÉPHANIE WEYDERT**



CHAMBERARBECHT:

- D'Stéphanie war Rapportrice fir eng Rei Gesetzer aus dem Inneministère an am Konsumenteschutz:
 - Mat der Reform vum Gesetz iwwer déi kommunal Raumplanung an d'urbanistesche Entwécklung müssen an neie Wunnquartiere méi abordabel Wunnenge geschafe ginn, déi dann an d'ëffentlech Hand ginn
 - 400 Agente bei der Police kruten hire Premièresdiplom réckwierkend op August 2018 unerkannt a goufen an de Grupp B1 reklasséiert
 - D'Reform vun der Videosurveillance zu polizeilechen Zwecker (VISUPOL) mécht den Asaz vu Kameraen am ëffentleche Raum méi einfach, méi séier a méi effikass
 - Mam Gesetz iwwert d'Sammelklo kréien d'Konsumenten endlech d'Méiglechkeet, sech gemeinsam géint Firmen ze wieren
 - D'Liewensmëttelkontrolle vun der ALVA kruten en neie juristesche Kader
- Och am Beräich Wirtschaft an Aarbecht huet d'Stéphanie zu Gesetzer geschwat:
 - D'Ëffnungszäiten am Commerce an am Liewensmëttelhandwerk goufen erweidert
 - D'Bäihëllef fir Betriber, fir an de Klima- an Ëmweltschutz kënnen ze investéiere goufen ausgebaut
 - Bei der ADEM gi méi Prozeduren digitaliséiert an doduerch méi séier a sécher – och de Chômage kann elo online ugefrot ginn
 - D'Aarbechtsrecht gouf op e puer Punkten ofgeännert, fir dass Beschäftigungsmesure fir jonk Leit méi attraktiv ginn
- An der Justiz huet d'Stéphanie zu diverse Gesetzer am Handels- a Gesellschaftsrecht esou wéi der Reform vum Prisongswiese geschwat

D'Stéphanie wäert ënnert anerem Rapportrice vun der Ëmsetzung vum Asylpak ginn.

CSV an CDU Saar wëlle Grenzen iwwerwannen a gemeinsam Zukunft gestalten



D'CSV an d'CDU Saar hunn sech den 13. Mäerz zu Schengen getraff an e gemeinsamt Positionspabeier presentéiert. D'Zil ass kloer: eng staark, vernetzt an europäesch orientéiert Regioun, ouni Grenzen, wou Sécherheet a wirtschaftlech Entwécklung Hand an Hand ginn.

Béid Parteie wëllen d'Kooperatioun bei Innovatioun, kënschtlecher Intelligenz an neie Mobilitéitstechnologien ausbauen an d'Groussregioun als europäeschen Innovationsraum positionéieren. Am Fokus sti konkret Projeten an de Beräicher Wirtschaft an Infrastruktur, Raumfaart a Verdeenegung, Bildung a Fachkräfte souwéi Sécherheet a Fräizügkeet.



Eng modern a performant Verkéiersinfrastruktur, besonnesch eng séier Zuchverbindung tëscht Saarbrécken a Lëtzebuerg, ass dobäi eng Prioritéit.

Och d'Zesummenaarbecht am Bildungs- a Aarbechtsmarché soll gestärkt ginn, fir nei Perspektive fir jonk Leit ze schafen.



AM DIALOG

DËNSCHDEG, DEN 21. ABRËLL
18:30 AUER AM TRIFOLION
ZU IECHTERNACH
2, PORTE SAINT WILLIBRORD

Dir sidd häerzlech invitéiert, fir Iech mam Premierminister Luc Frieden, mat der Gesondheitsministesch Martine Deprez, mam Inneminister Léon Gloden a mat Ären Ost-Deputéierten auszetauschen – fräien Entrée, Umeldung net néideg.

- **Katastropheschutz: LU-Alert, Roll vum CGDIS, Gestoun vun de Risiken**
- **Resilienz vun de Gemengen: Robust lokal Infrastrukturen a kommunal Virbereedung**
- **Resilienz vum Gesondheetssecteur: Medikamentenagence, Personal, Kapazitéiten**

MAT EIS DISKUTÉIEREN:

GUY BLEY, HAUT-COMMISSAIRE
À LA PROTECTION NATIONALE

ANDREA NICOLETTI, RESILIENZ-OFFICER
VUN DER GEMENG HESPER

DR. PAUL WIRTGEN, DIREKTER
VUM CENTRE HOSPITALIER DU NORD

CSV an der Chamber
13, rue du Rost
L-2447 Luxembourg
Tel. : +352 47 10 55 1
Email : csv@chd.lu
www.csv.lu

Version
française



KUCKT OCH D'CSV OP SOCIAL MEDIA



MIX
Pabeler | Ennerstëtzt eng
responsabel Bëschbewirtschaftung
FSC® C004990

PRINTED IN
LUXEMBOURG

myclimate
Wirkt. Nachhaltig
Drucksache
myclimate.org/01-24-906817

AN DER CHAMBER